

«08» օգոստոսի 2022թ.

№ 23836

ՀՀ Հանրային ծառայությունները կարգավորող  
հանձնաժողովի նախագահ՝  
պրն. Գ. Բաղդամյանին

**ԴԻՄՈՒՄ**

Հարգելի պարոն Բաղդամյան

ՀՀ Հանրային ծառայությունները կարգավորող հանձնաժողովի 2016թ-ի դեկտեմբերի 9-ի «Վեոլիա Զուր» փակ բաժնետիրական ընկերությանը խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման լիցենզիա տրամադրելու մասին» N 397Ա որոշմամբ հաստատված Լիցենզիայի պայմանների N3 հավելվածի համաձայն՝ հաշվարկվել են «Վեոլիա Զուր» փակ բաժնետիրական ընկերության կողմից սպասարկվող տարածքների խմելու ջրի մատակարարման և ջրահեռացման ծառայության մատուցման սակագները:

Կից ներկայացված հաշվարկի արդյունքում խմելու ջրի մատակարարման և ջրահեռացման (կեղտաջրերի մաքրման) մանրածախ ծառայությունների մատուցման սակագների գումարային մեծությունը կազմում է 209.003 դրամ/խմ (ներառյալ ԱԱՀ-ն):

Ելնելով նշվածից, խնդրում եմ վերանայել «Վեոլիա Զուր» փակ բաժնետիրական ընկերության կողմից սպասարկվող տարածքների խմելու ջրի մատակարարման և ջրահեռացման ծառայության մատուցման սակագները:

**Առաջարկվող՝**

1. Խմելու ջրի մատակարարման ծառայության մատուցման (բոլոր բաժանորդների համար) մանրածախ սակագինը՝ 148.044 դրամ՝ յուրաքանչյուր խորանարդ մետր մատակարարված խմելու ջրի դիմաց՝ առանց ավելացված արժեքի հարկի, և 177.653 դրամ՝ ներառյալ ավելացված արժեքի հարկը:

2. Ջրահեռացման (կեղտաջրերի մաքրման) ծառայության մատուցման (բոլոր բաժանորդների համար) մանրածախ սակագինը՝ 26.125 դրամ՝ յուրաքանչյուր խորանարդ մետր հեռացված ջրի դիմաց՝ առանց ավելացված արժեքի հարկի, և 31.350 դրամ՝ ներառյալ ավելացված արժեքի հարկը:

3. Ջրամատակարարման և ջրահեռացման (կեղտաջրերի մաքրման) ծառայությունների մատուցման լիցենզիա ունեցող այլ անձանց, ջրամատակարարման և ջրահեռացման ծառայություններ մատուցող համայնքներին, համայնքային բյուջետային հիմնարկներին և ոչ առևտրային կազմակերպություններին՝

ա) խմելու ջրի մատակարարման մեծածախ ծառայության մատուցման սակագինը՝ 34.634 դրամ՝ յուրաքանչյուր խորանարդ մետր մատակարարված խմելու ջրի դիմաց՝ առանց ավելացված արժեքի հարկի, և 41.801 դրամ՝ ներառյալ ավելացված արժեքի հարկը:

«Վեոլիա Զուր» ՓԲԸ  
ԵԼՑ 23836  
08 » 08 2022

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐ  
ՀԱՆՁՆԱԺՈՂՈՎ  
№ 5426-08-08 20 22թ.

բ) ջրահեռացման մեծածախ ծառայության մատուցման սակագինը՝ 17.417 դրամ՝ յուրաքանչյուր խորանարդ մետր հեռացված ջրի դիմաց՝ առանց ավելացված արժեքի հարկի և 20.900 դրամ՝ ներառյալ ավելացված արժեքի հարկը :

4. <<Կարեն Դեմիրճյանի անվան Երևանի մետրոպոլիտեն>> փակ բաժնետիրական ընկերության ստորգետնյա ջրերի հեռացման ծառայության մատուցման սակագինը՝ 10.245 դրամ՝ յուրաքանչյուր խորանարդ մետր հեռացված ջրի դիմաց՝ առանց ավելացված արժեքի հարկի, և 12.294 դրամ՝ ներառյալ ավելացված արժեքի հարկը:

Միաժամանակ ներկայացված սակագնի ճշգրտման հաշվարկում դիտարկվել է էլեկտրաէներգիայի սակագների փոփոխության գծով ճշգրտում՝ հիմք ընդունելով ՀՀ Հանրային ծառայությունները կարգավորող հանձնաժողովի 29.12.21թ-ի N478Ն որոշումը:

Դիմումին կցվում են՝

1. <<Վեոլիա Ջուր>> ՓԲԸ-ի կողմից խմելու ջրի մատակարարման և ջրահեռացման (կեղտաջրերի մաքրման) մատուցվող ծառայությունների սակագների հաշվարկը (2 էջից՝ 2 օրինակ) :
2. <<Ժողովուրդ>>, <<Առավոտ>> օրաթերթերի էլեկտրոնային կայքում հրապարակված հայտարարությունները (կցված են՝ 2-ական օրինակներից): Միաժամանակ տեղեկացնում ենք, որ հայտարարությունը տեղադրված է նաև Հայաստանի Հանրապետության հրապարակային ծանուցումների պաշտոնական ինտերնետային կայքում ([www.azdarar.am](http://www.azdarar.am)):
3. 2021թ-ի օգոստոսից մինչև 2022թ-ի հուլիս ամիսներն (հուլիս ամսվա տվյալները սպասողական են) ընկած ժամանակահատվածում մատակարարված ջրաքանակի ծավալների վերաբերյալ տեղեկատվություն (1 էջից՝ 2 օրինակ) :
4. Ազգային վիճակագրական ծառայության կողմից ինտերնետային էջում ներկայացված սղաճի ցուցանիշը՝ հունվար-հուլիս 2022 (1 էջից՝ 2 օրինակ) :
5. Էլեկտրաէներգիայի գծով 2022թ-ի փետրվար-հունիս ամիսների տվյալների հիման վրա հաշվարկված միջին սակագնի մեծությունը (4 էջից՝ 2 օրինակ):

ՀՀ, ք. Երևան, Արուսյան 66<sup>ա</sup>


Հեռախոս՝ 011590381


Էլեկտրոնային փոստ՝ [office@veoliajur.am](mailto:office@veoliajur.am)

ՀՎՀՀ՝ 02655115, Պետ.ռեգիստրի գրանցման թիվ՝ 273.120.934743, 16.11.2016թ. վկայական՝ N 03Ա.1084743

Հ/Հ Հայթիզնեքստ ԳԲԸ՝ 11500351562015

<<Վեոլիա Ջուր>> ՓԲԸ  
Գլխավոր տնօրեն՝

 օգոստոս 2022թ.



Մարիաննա Շահինյան